

prethodnog stava bit će precizirani zakonom o izvršenju Budžeta, koji za svaku budžetsku godinu, na prijedlog Vlade Bosansko-podrinjskog kantona Goražde, donosi Skupština Bosansko-podrinjskog kantona Goražde.

#### IV - ZAVRŠNE ODREDBE

##### Član 6.

- (1) Ministarstvo za finansije Bosansko-podrinjskog kantona Goražde će redovno, a najmanje jednom sedmično, ministru za urbanizam, prostorno uređenje i zaštitu okoline dostavljati izvještaj o stanju sredstava na podračunu Kantonalnog stambenog fonda.
- (2) Namjenska sredstva prikupljena na podračunu Kantonalnog stambenog fonda postaju operativna odmah po usvajanju Budžeta Bosansko-podrinjskog kantona Goražde i donošenju zakona o izvršenju Budžeta Bosansko-podrinjskog kantona Goražde za svaku budžetsku godinu, a najkasnije do kraja prvog tromjesečja te budžetske godine.

##### Član 7.

Ovaj Zakon stupa na snagu osmog dana od dana objavljivanja u „Službenim novinama Bosansko-podrinjskog kantona Goražde“.

Broj:01-02-618/20      PRESJEDAVAJUĆA  
14.09.2020.godine      S K U P Š T I N E  
G o r a ž d e      Edita Velić,s.r.

-----

## 662

Na osnovu člana 33.a Ustava Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 8/98, 10/00 i 5/03), **d o n o s i m:**

### U K A Z O PROGLAŠENJU ZAKONA O IZMJENAMA I DOPUNAMA ZAKONA O NOVČANIM PODSTICAJIMA U POLJOPRIVREDI I RURALNOM RAZVOJU NA PODRUČJU BOSANSKO- PODRINJSKOG KANTONA GORAŽDE

Proglašava se Zakon o izmjenama i dopunama Zakona o novčanim podsticajima u poljoprivredi i ruralnom razvoju na području Bosansko-podrinjskog kantona Goražde, koji je donijela Skupština Bosansko-podrinjskog kantona Goražde, na 13. redovnoj sjednici, održanoj 14. septembra 2020. godine.

Broj:02-02-140/20      P R E M I J E R  
14.09.2020.godine      Aida Obuća,s.r.

G o r a ž d e

-----

## 663

Na osnovu poglavlja IV, odjeljak A, člana 23. Ustava Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 8/98, 10/00, 5/03 i i 8/04), članova 109. i 150. Poslovnika Skupštine Bosansko-podrinjskog kantona Goražde („Službene novine Bosansko-podrinjsk-

og kantona Goražde“, broj: 3/18 i 6/19), Skupština Bosansko-podrinjskog kantona Goražde, na 13. redovnoj sjednici, održanoj 14. septembra 2020.g., **d o n o s i**:

**ZAKON**  
**o izmjenama i dopunama Zakona o novčanim podsticajima u poljoprivredi i ruralnom razvoju na području Bosansko-podrinjskog kantona Goražde**

**Član 1.**

Ovim se Zakonom vrše izmjene i dopune Zakona o novčanim podsticajima u poljoprivredi i ruralnom razvoju na području Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 4/13), tako što se u članu 2. iza riječi „Kantona“ dodaje interpunkcijski znak zarez (,) i riječ „grada“.

**Član 2.**

U članu 4. stav (4) se mijenja i glasi:

„Jedinice lokalne samouprave u sastavu Kantona su obavezne donositi svoje programe novčanih podsticaja u koordinaciji sa kantonalnim Ministarstvom za privredu“.

**Član 3.**

Član 7. se mijenja i glasi:

„Osim sredstava koja se izdvajaju iz člana 6. ovog Zakona, sredstva za novčane podsticaje mogu se izdvajati u budžetima jedinica lokalne samouprave na području Kantona“.

**Član 4.**

Član 8. se mijenja i glasi:  
„Programi

Iznos novčanih podsticaja, minimalnih uvjeta za početak proizvodnje, minimalne površine za investiranje, rokovi podnošenja zahtjeva i drugi uvjeti, utvrđuju se Programom kantonalnih podsticaja u poljoprivredi i Programom ruralnog razvoja (u daljem tekstu: programima), na koje Vlada Bosansko-podrinjskog kantona Goražde (u daljem tekstu: Vlada) daje saglasnost za svaku kalendarsku godinu“.

Ministarstvo za privredu Bosansko-podrinjskog kantona Goražde (u daljem tekstu: Ministarstvo) u roku od 15 (petnaest) dana od dana usvajanja Budžeta izrađuje prijedlog programa, organizuje javnu raspravu po prijedlogu programa, te nakon provedene rasprave isti dostavlja Vladi u roku od 30 (trideset) dana od dana usvajanja Budžeta, radi davanja saglasnosti na isti.

Vlada daje saglasnost na programe iz stava (1) ovog člana najkasnije u roku od 30 (trideset) dana od dana dostavljanja Programa“.

Nakon davanja saglasnosti na programe od strane Vlade, ministar za privredu Bosansko-podrinjskog kantona Goražde propisuje uputstvo za ostvarivanje novčanih podsticaja u poljoprivrednoj proizvodnji u roku od 30 (trideset) dana.

**Član 5.**

U članu 17. stav (4) na kraju se

dodaje nova rečenica koja glasi:

„Na prijedlog Ministarstva Vlada daje saglasnost na Program ruralnog razvoja“.

#### **Član 6.**

U članu 19. briše se tačka 4.

#### **Član 7.**

U članu 23. stav (2) brišu se riječ I - „sektor za poljoprivredu“.

#### **Član 8.**

U članu 24. u tački 2) iza riječi „Goražde“ dodaju se riječi „i da se projekti realizuju na području Bosansko-podrinjskog kantona Goražde“.

#### **Član 9.**

U članu 28. riječ „uputstima“ se mijenja sa riječju „uputstvima“, a riječ „primarnoj“ se briše.

#### **Član 10.**

U članu 29. stav (2) se mijenja i glasi:

„Program podsticaja za poljoprivredu stavit će se na javnu raspravu prije nego ga kantonalno Ministarstvo za privredu dostavi Vladi radi davanja saglasnosti na isti“.

#### **Član 11.**

U članu 32. stav (2) se mijenja i glasi:

„Zahtjev u ime korisnika-klijenta pravnog lica (privrednog društva, zad-

ruge i udruženja) podnosi ovlašteno lice u smislu Zakona o privrednim društvima, Zakona o zadrugama i Zakona o udruženjima i fondacijama, a u ime korisnika-klijenta fizičkog lica u smislu Zakona o obrtu nosilac gazdinstva.“.

#### **Član 12.**

U članu 33. brišu se riječi „(Sektor za poljoprivredu)“.

#### **Član 13.**

Član 34. se mijenja i glasi:

„Nakon obrade, provjere dostavljene dokumentacije i utvrđivanja činjeničnog stanja, službenici Ministarstva sačinjavaju prijedlog odluke o odobravanju novčanih sredstava sa ukupnim iznosom predloženih sredstava od strane Ministarstva, i upućuju ga Vladi radi davanja saglasnosti na odluku“.

#### **Član 14.**

Član 37. se mijenja i glasi:

„(Izveštaj o realizaciji Programa) Izveštaj o realizaciji Programa Ministarstvo će najmanje jednom godišnje dostaviti na razmatranje i usvajanje Vladi i Skupštini Bosansko-podrinjskog kantona Goražde“.

#### **Član 15.**

U članu 38. broj “34” se mijenja brojem „37“.

#### **Član 16.**

U članu 41. stav (1) brišu se riječi „(Sektor zapoljoprivredu)“.

### Član 17.

Naziv člana 47. se mijenja i glasi:  
„(Vjerodostojnost prikazanih proizvođača)“.

### Član 18.

Ostale odredbe Zakona o novčanim podsticajima u poljoprivredi i ruralnom razvoju na području Bosansko-podrinjskog kantona Goražde ostaju nepromijenjene.

### Član 19.

Ovaj Zakon stupa na snagu osmog dana od dana objavljivanja u „Službenim novinama Bosansko-podrinjskog kantona Goražde“.

Broj:01-02-619/20      PRESJEDAVAJUĆA  
14.09.2020.godine      S K U P Š T I N E  
G o r a ž d e      Edita Velić,s.r.

-----

**664**

Na osnovu članova 3, 4. i 6. Zakona o javnim priznanjima Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 8/15 i 16/16) i člana 109. Poslovnika Skupštine Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 3/18 i 6/19), Skupština Bosansko-podrinjskog kantona Goražde, na 13. redovnoj sjednici, održanoj 14. Septembra 2020. godine, **d o n o s i:**

**ODLUKU**  
**o dodjeli javnih priznanja Bosansko-podrinjskog kantona Goražde**

### Član 1.

Gospodin Hamed ef.Efendić proglašava se Počasnim građaninom Bosansko-podrinjskog kantona Goražde za izuzetne zasluge u unapređenju međunarodne saradnje, međunarodnih i međuljudskih odnosa na načelima solidarnosti i humanosti.

### Član 2.

Javno priznanje Plaketa Kantona dodjeljuje se dr. Asimu Prutini za doprinos u razvoju zdravstva, nauke i društvenih djelatnosti na području Bosansko-podrinjskog kantona Goražde.

### Član 3.

Javno priznanje Štit Kantona dodjeljuje se komandantu Ahmetu Sejdiću za izuzetne zasluge i doprinos u odbrani Bosansko-podrinjskog kantona Goražde i Bosne i Hercegovine od agresije u periodu 1992-1995. godina.

### Član 4.

Odluka stupa na snagu danom donošenja, a naknadno će se objaviti u „Službenim novinama Bosansko-podrinjskog kantona Goražde“.

Broj:01-04-621/20      PRESJEDAVAJUĆA  
14.09.2020.godine      S K U P Š T I N E  
G o r a ž d e      Edita Velić,s.r.

-----

**665**

Na osnovu člana 59. stav (2) Zakona o šumama Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 4/13, 5/13 i 13/19), članova 109. i